

Mga Panalangin sa Misyonaryo nga Pagserbisyo

Tun-i ang mosunod nga mga tudling sa kasulatan ug mga pamahayag. Samtang magtuon ka, pangitaa ang mosunod:

1. Mga panalangin nga mahatag sa Ginoo ngadto sa uban pinaagi sa atong misyonaryo nga mga paningkamot.
2. Mga panalangin nga mahatag sa Ginoo kanato tungod sa pagserbisyo og usa ka misyon.

Doktrina ug mga Pakigsaad 4:1–4


Doktrina ug mga Pakigsaad 15:6

Doktrina ug mga Pakigsaad 18:14–16

Doktrina ug mga Pakigsaad 31:3–8

Doktrina ug mga Pakigsaad 50:22

Si Presidente Russell M. Nelson mitudlo:



Mga kaigsoonan, ang ebanghelyo ni Jesukristo wala pa sukad mas gikinahanglan kaysa karon. Ang panagbingkil milapas sa tanang gibarogan ug gitudlo sa Manluluwas. Gihigugma nako si Ginoong Jesukristo ug nagpamatuod nga ang Iyang ebanghelyo mao *lamang* ang malahutayong kasulbaran alang sa kalinaw. Ang Iyang ebanghelyo usa ka ebanghelyo sa kalinaw [tan-awa sa Doktrina ug mga Pakigsaad 27:16]. . . .

Ang *tanang* misyonaryo nagtudlo ug nagpamatuod sa Manluluwas. Ang espirituhanon nga kangitngit sa kalibotan nakapahimo sa kahayag ni Jesukristo nga wala pa sukad mas gikinahanglan kaysa karon. Ang tanan angayan nga hatagan og kahigayonan nga mahibalo bahin sa gipahiuli nga ebanghelyo ni Jesukristo. Ang matag tawo angayan nga makahibalo asa sila makakaplag sa paglaom ug sa kalinaw nga “dili matugkad sa tawo” [Mga Taga Filipos 4:7]. (Russell M. Nelson, “Pagsangyaw sa Ebanghelyo sa Kalinaw,” *Liahona*, Mayo 2022, 6–7)

Si Elder Marcus B. Nash sa Seventy mitudlo:



Ang pagpakigbahin sa ebanghelyo mopukaw sa hingpit nga kalipay ug paglaom sa mga kalag sa tighatag ug sa tigdawat. Sa tinuod, “unsa ka dako ang imong hingpit nga kalipay” [Doktrina ug mga Pakigsaad 18:15] samtang ikaw mopakigbahin sa ebanghelyo! Ang pagpakigbahin sa ebanghelyo modugang og hingpit nga kalipay ngadto sa hingpit nga kalipay, paglaom ngadto sa paglaom. . . .

Ang pagpili nga dili mopakita sa kahayag sa ebanghelyo modala kanato ngadto sa ngiob nga mga dapit, diin kita mas dali nga madutlan sa tentasyon. Labing mahinungdanon, ang sukwahi tinuod: ang pagpili nga mopakita sa kahayag sa ebanghelyo mas mopaduol kanato ngadto niana nga kahayag ug sa proteksyon nga ihatag niini batok sa tentasyon. Pagkadako niini nga panalangin sa kalibotan karon! (Marcus B. Nash, “Ipakita Ninyo ang Inyong Kahayag,” *Liahona*, Nob. 2021, 71–72)